

Carta a los Efesios

Kjibokwo ëre tara Pablorë Éfeso sopga kong

Kjibokwo ëre sorë

Domer shäng kjäara ko Pablo. E Sbö tjökwö läga Jesús äska wleniyo. Éfeso kjokyo, e tjwö ara. Eshko ga sböpga jyäglo syö uyo lök ara. Tjwö arayo li, e ba sbö ko Artemisa li syö uyo, tak pjang Hechos 19.23-41 go sorë li eni. Dënashko ga Pablo to shäng Jesús roy pjú lë kjok shto oblë oblëshko ga öötong shäng eshko, tak pjang Hechos 18.18 go sorë li eni. Gueniyo beno shäng eshko dbar kop ara llëme. E irgo ga jek öötong shäng eshko obi, ga beno shäng nopga li ping Sbö tjökwö go lu pjöglö mya, tak pjang Hechos 19 go sorë li eni.

Kjibokwo ëre go ga Sbö wopjü li kjishko ga llëbo shäryara pjú bi kong oblë oblë sorë li tara ba kong. Woyde ga Sbö iëy ber kësbang, tjwö ara sorë li tara ba kong. Judíoga, nopga judío llëm wleniyo, e iara Sbörë beno tjëyo kjrinaso, ga woyde ga ber löng wlep ëng tjok shara, ber löng ëng kjimté kar kar bakoe, e tara ba kong bakoe.

Kjibokwo ëre tara ba kongshko ga sök kjërshko Roma kjokyo, Jesús roy pjú lära kjishko, tak pjang Hechos 28.16-31 go sorë li eni.

1 ¹Kjibokwo ëre taga tja Pablorë. Tja kjrara Sbörë beno ba tjökwö roy läga Cristo Jesús äska.

Sbö nopga töno beno tjeng Cristo Jesús tjok löng Éfeso kjokyo, kjibokwo ëre ichër jek bomi kong.

²Rokër bi Data Sbö kong, Tjläpga Jesucristo kong ga ba wopjü li kjishko ga pjäy kjimte lök ara, pjäy ie ber löng wlep bakoe.

Sbö poshrëy ara, ba wopjü li kjishko

³Sbö, Tjläpga Jesucristo Data li poshrëy ara. Shji töna beno tjeng Cristo tjok kjishko ga shji kjimtara ara, llëbo twe ba nopga kong ba kjimtoklö wlo li twara bi kong uunkong bakoe. ⁴Shji kjimtara eni. Kjok shäryayde llëm obishko ga shji töno beno tjeng Cristo tjok ëre kjrara Sbörë, shji ber tjeng baíya wlo, shji pogo llëye dret ba bokso wlo bakoe. Shji woyde Sbörë ara kjishko ga ⁵dënashko ga wotjlik ga shji

ie Jesucristorë ber lõng ba wapga wlo le, woydara ber eni kjishko. ⁶Ba Wa woyde ara li twara bi kong. Eni ga ba wopjlu li pina bi kong, iy wele wlo, ga poshrey ara.

⁷Sbo wopjlu ara anmoyö. Ba wopjlu li kjishko ga Cristo wolono, sreng kwono. E kjishko ga shji döra bi shdungglo dbo dorko dwayo, owa pjang bi go li löna beno dret bakoe. ⁸Shji kong kjok miydë twara ara, ba tjlokwo miydë wele wlo. Sharyara eni ba wopjlu li kjishko. ⁹Dënashko ga Sbo wotjlik llebo sharyë Cristo tjok le, woydara ber eni kjishko, gueniyo eye ommiydono lleme. Gueniyo e pina bi kong pjir tjan, ¹⁰e dbaryo öotongshko ga llebo uunkong lara li sharye ber eni wlo. Eshko ga Cristo ie ber sök llebo tjeng kes li ichaga, llebo tjeng kjok dogo, llebo tjeng kjok ere kjing go bakoe.

¹¹Lleye woyotjlina Sborë sharye wlo li, e sharye uunkong eni. Ga dënashko ga wotjlik llebo sharyë bi kong le. Eni ga shji kjrara, tona beno tjeng Cristo tjok, ¹²ga shji lõng Cristo koshaga bam go li, shji kjimtara ara, shji ikoba wlo, Sbo poshrekoba ba dbo kala kjishko wlo. ¹³Shji döya Sborë sorë roy pjlu li, tjlokwo bek li e. Ga kuromishko ga tjlokwo kjrromi, ga pjay tona beno tjeng Cristo tjok. Cristo kjishko ga pjay go ba Seya iche ber bomi tjok lara jlokoyo li, e shrono beno kesbang bomi tjok. Eni ga pjay jya tara beno lõng wleni. Miydë e go ga pjay beno Sbo i. ¹⁴Ba Seya twara bi kong kjishko ga miydë e go ga lleye pjlu sharye bi kong lara li, e sharye eni jlokoyo, nopga baiya li döra pjir guing. Eshko ga Sbo poshrey ara, ba dbo kala kjishko.

Pablo syöshtono Sbo kong

¹⁵Pjay roy kuror ga pjay mar lõng Tjlapga Jesús go, ga Sbo nopga uunkong woydemi lõng ara bakoe. E kjishko ga ¹⁶tja syöshtë Sbo kong bomi kjishkoshko ga tja wopjlu ba tjok enido. ¹⁷Data Kesbangyo li, e Tjlapga Jesucristo Sbo. Ga roker ba kong ga pjay kong kjok miydë tve ara, ga e opping shang bomi kong bako, e miydëmi jek kegong wlo. ¹⁸Pjay kjrara Sborë, llebo pjlu tve bomi kong kesbang wlo. Eni ga roker ba kong obi ga pjay kong kjok miydë tve aar bomi pjlushko wlo, llebo pjlu koshemi lõng tve ba nopga kong li lle miydëmi wele wlo, ¹⁹Sbo dbo ara li miydëmi wele wlo bakoe. Ba dbo ara li, e pjir lle, eye aar baiya dik lle bakoe. Ga shji mar lõng Cristo go ere kjimte ba dbo go. ²⁰E go ga Cristo buk shinmoga tjurekoshko ga woshara irong obi, ga söra öotong sök ba orkwo kelëkong kjok dogo. ²¹Eshko ga iara beno tjwlo ara, seya lle dbo ara wleniyo kjinmo, oble ichagaga wleniyo kjinmo, llebo uunkong kjinmo, iara beno eni eerishko dbaryo wlo, iyado wlo bakoe. ²²Llebo uunkong iara beno tjeng ba wloshko, ga iara beno sök ba tjlokwo kragaga lõng kes li ichaga. ²³Epga, e ba doyo wleni. Epga lõng se ba kjishko. Llebo tjeng kes se li laga ere.

Shji wolono lõng wlenishko ga shji iara Sborë beno lõng se jlokoyo

2 ¹Nopga judio lle wleniyo, dënashko ga pjay wolono lõng wleni, llebo owa sharyemi lõng li kjishko. ²Eshko ga nopga Sbo miydë lle wleniyo lõng llebo owa sharyë sorë ga pjay omsharyë lõng eni bakoe. Lleye le Are li kolomirë.

Sëyaga owa jëk löng kjok ëre kjing goshko ichaga erë, nopga to löng Sbö kolë llëm li ichaga erë bakoe. ³Dënashko ga shji uunkong omshäryono eni. Eshko ga shji wotjlik owa erä, shji jëk löng bi wotjlik owa li go bakoe. E kjishko ga Sbö iirkono ara bi tjok, ga shji löng shdüya wlo, nopga oblë owa li shdüya sorë ga eni.

⁴Gueniyo shji songe le Sbörë, shji woyde ara anmoyö bakoe. ⁵E kjishko ga shji wolono löng wleni, llëbo owa shäryëy löng li kjishkoshko ga shji iara beno löng së jlökoyo, ga shji iara beno löng mär Cristo go shara. Ba wopjlu li kjishko ga shji döra eni. ⁶Cristo Jesús woshrrara iröng obi, ga söra öötong sök ba tjok kjok dogo. Shji tona beno tjeng Cristo tjok kjishko ga shji woshrrara eni wleni, ga shji söra öötong löng ba tjok kjok dogo eni wleni bakoe. ⁷Shäryara eni Cristo Jesús kjishko, ilono ga ba wopjlu kësbang li piya oba kong iyado wlo. ⁸Ba wopjlu li kjishko ga pjäy döra, pjäy mär löng Cristo Jesús go kjishko. Pjäy döra li, e bomi sengglo, e wlenomi om go llëme. ⁹Shäryara eni, llëbo pjlu shäryoromi kjishko llëm, ëye opposhrëk e kjishko llëm wlo. ¹⁰Shji eerishko ga sorë, shji shäryara Sbörë yotso beno löng eni kjishko. Shäryara eni, shji tona beno tjeng Cristo Jesús tjok kjishko, llëbo pjlu lara dënashko shäryëy wlo li, e shäryëy eni wlo.

Shji tjëyo kjrinaso, shji tona beno tjeng Cristo tjok kjishko

¹¹E kjishko ga pjäy nopga judío llëm wleniyo, pjäy dëna ga sorë woyoshroziä. Eshko ga pjäy kowe judíogarë «nopga jyä tak llëm wleniyo» le. Epgara opkowë lok «nopga jyä tak pijir wleniyo» le, gueniyo jyä taga norë ba doyoshko erä.

¹²Woyoshroziä ga dënashko ga pjäy löng Cristo tjok llëme. Tjlokwo twara Sbörë Israel tjëyoga kong, beno iyado wlo, gueniyo pjäy Israel tjëyoga llëm kuzong ga e beno bomi kong llëm, pjäy shto oblë so wleni erä. Eshko ga Sbö miydëmi löng llëm, pjäy döya li koshëmi löng llëm bakoe. ¹³Pjäy löng pjola wleni. Gueniyo eerishko ga pjäy tona beno tjeng Cristo Jesús tjok kjishko ga pjäy söra tek ba soshko wleni shara, Cristo wolono, srëng kwono li kjishko.

¹⁴Dënashko ga judíoga, nopga judío llëm wleniyo, e löng dboy dboyë. E ëng iywö lok shjiktëng erä. Gueniyo shji iara Cristorë beno tjeng wlep ëng tjok, shji iara beno löng tjëyo kjrinaso shara. ¹⁵Kjok llgwekklo tara Moisésdë li goshko ga llëbo shäryako ara. Gueniyo Cristo wolono kjishko ga kjok llgwekklo li kjara, ga shji iara beno löng ichaga erë ame. Shäryara eni, tjëyoga kjingrë pjök li töya, ber ba tjok kjrinaso wlo. Shji iara beno tjeng wlep ëng tjok eni.

¹⁶Wolono pjang kjlös go kjishko ga tjëyoga kjingrë pjök li iara beno tjeng tjëyo kjrinaso, ga iara beno löng wlep Sbö tjok, ëng iywö lok shjiktëng ame wlo.

¹⁷Cristo öör ëreshko ga tjläno uunkong kong ga shji ber löng wlep Sbö tjok ga pjluë lara. Lara eni judíoga, Sbö miydë pjlu wleniyo li kong, nopga judío llëm, Sbö miydë llëm wleniyo li kong bakoe. ¹⁸Eni ga ba kjishko ga eerishko ga shji kjimte Sbö Sëya kjlaraso lirë uunkong äär Data Sbö shwoy ga pjluë.

¹⁹E kjishko ga pjäy nopga judío llëm wleniyo, pjäy shto oblë so wleni ame. Pjäy beno löng Sbö nopga jlökoyo, pjäy ba wapga bakoe. ²⁰⁻²²Shji u shäryë akkwo goshko ga woydara ga akkwo tjeng ara. Akkwo iëy töshko bäm go

kjwara, ber ba shakklo wlo. E irgo ga akkwo iëy ba kjing go jem jong ëng kjing go. Sbö nopga, e u wleni. Akkwo ba shakklo kjangyo, iak beno buk bäm go li, e Cristo Jesús om go li loklo. Akkwo oblë oblë iak beno tjeng ba shakklo li, e Sbö tjlokwo roy lagaga Jesús äska li loklo, Sbö tjlokwo lagaga li loklo bakoe. Ga pjäy mär löng Cristo go kuzong ga pjäy uunkong tòng tjeng ba tjlokwo kragaga oblë tjok, akkwo jem tjeng ëng kjing go wleni. Shji uunkong tòng tjeng Cristo tjok, shji ber Sbö u wleni wlo, ba Sëya ber sök u li roshko iyado wlo.

Pablo ichara Sbörë ba tjlokwo roy pjlu lë nopga judío llem wleniyo kong

3 ¹E kjishko ga tja Pablo, tja sök kjershko, Cristo Jesús tjlokwo roy pjlu lër pjäy nopga judío llem wleniyo kong kjishko. ²Miydëmi ga Sbö wopjlu li kjishko ga tja ichara ba tjlokwo roy pjlu lë bomi kong. ³Tjlokwo li miydëba llem, gueniyo lara bor kong, toror bomi kong kijbokwo ëre go sira sorë ga eni. ⁴⁻⁵Eni ga kijbokwo ëre lëmishko ga miydëmi e go ga Cristo, e sorë miydëba llem ëmdë ga lara Sbörë bor kong, ga miydër pjir tjan. Dënashko ga e lara ë kong llemë. Gueniyo eerishko ga ba tjlokwo roy lagaga Jesús äska li, ba tjlokwo lagaga li, epga iara beno tjeng dboy ba kong. Ga ba Sëya ichara ba tjlokwo roy pjlu lë ba kong lok. ⁶Ba tjlokwo pjlu miydëba llem li ëre: Eeri jek lëkong ga judfoga kjimte Sbörë erö ame; ëye tönö beno tjeng Cristo Jesús tjok ga kjimte Sbörë, judfoga, nopga judío llem wleniyo bakoe; eni ga uunkong li beno löng tjëyo kjrinaso, doyo kjaraso wleni, lëbo twe lara Sbörë ba nopga kong jlökoyo li beno uunkong li kong kjishko.

⁷Sbö wopjlu li kjishko ga tja ichara ba tjlokwo roy pjlu lë oba kong, ga tja kjimte ara ba shäryë ba dbo ara go. ⁸Tja tjwlo Sbö nopga löng kës li dorko. Eni ëmdë ga ba wopjlu li kjishko ga tja ichara ba tjlokwo roy pjlu lë nopga judío llem wleniyo kong. Tja tjle ba kong ga epga mär löng Cristo go wleni ga lëbo twe Sbörë ba kong ara, pjir llemë lër ba kong eni. ⁹Dämär ga lëbo uunkong shäryara Sbörë. Eshko ga wotjlik lëbo shäryë le, gueniyo lara ë kong llemë. Gueniyo eerishko ga tja ichara ba lë oba kong, shärye sorë miydëba welë wlo. ¹⁰Woydara ga lëye shärye Jesús tjlokwo kragaga kong li, e iya sëya lë dbo ara wleniyo, oblë ichagaga wleniyorë, ga miyde lok e go ga Sbö kjok miydë ara anmoyö. ¹¹Ëre shäryara Sbörë bi Tjlapga Cristo Jesús tjok, woyotjlina kjok shäryayde llem obishko sorë li eni. ¹²Shji tönä Sbörë beno tjeng Cristo tjok, ga shji mär beno löng ba go. E kjishko ga shji äär Sbö shwoy ga wlep, lëye bangkjrey llemë. ¹³E kjishko ga rokër bomi kong ga tja shdungoba shäng song bomi kjishko ëmdë ga pjäy wosonkë llemë. Lëbo wen bor kong jushko li, e ber bomi kong pjlu wlo.

Pablo syöshtono Sbö kong Éfeso sopga kjishko

¹⁴E kjishko ga tja kjök tok, syöshtë Data Sbö kong. ¹⁵E ba nopga löng kës kjok dogo li Data, ba nopga löng kës kjok ëre kjing go li Data bakoe. ¹⁶E lëbo tjeng ara, twe ba nopga kong wlo. Eni ga rokër ba kong ga ba Sëya iche bomi kjimte ba dbo kësbang go, pjäy ber löng wokjang wlo, ¹⁷Cristo ber sök bomi

tjok ñyado wlo, pjäy mär löng ba go kjishko. Rokër ba kong obi ga pjäy kjimte ëng woydë ara kar kar jlökoyo ñyado, ¹⁸shji woyde Cristorë kjöme li miydëmi wlo, ba tjlokwo kragaga löng kës li tjok. Jlokoyo ga shji woyde ara anmoyö. ¹⁹E tjliy ga äär llem ëmdë ga rokër ba kong ga e piya bomi kong, miydëmi wlo, lleye shäryëmi dö lishko ga pjäy wotjlik äär Sbö dik wlo.

²⁰Sbö dbo ara kjishko ga llebo woyotjliy, rokëy ba kong li shärye ga pjlu, ga shärye e kjinmo anmoyö ga pjlu bakoe. Ga shji kjimte ba dbo ara ëre go. ²¹Llebo shärye ara Cristo tjlokwo kragaga go, Cristo Jesús go bakoe. E kjishko ga iëy ber kësang, tjwlo ara ñyado wlo. Ber eni.

Shji ie Cristorë ber doyo kjlaraso wleni

4 ¹Tja sök kjershko Tjlapga Jesús kjishko. Pjäy rokara Sbörë beno ba nopga. Era tjwlo ara. Eni ga rokër bomi kong ga pjäy jëk pjlo beke. ²Pjäy ber löng wotöye. Pjäy tjle ëng tjok yotso. Pjäy iirkë maling lleme. Llebo shärye oblërë lle pogoshko ga pjäy ber löng wlep, wopjlu ba tjok erä. ³Pjäy drön ëë, jëk löng ëng tjok wlep, pjäy wotjlik ber löng kjinaso wlo, pjäy iara Sbö Sëyarë wotjlik sorë ga eni. ⁴Shji Cristo tjlokwo kragaga löng kës ëre doyo kjlaraso wleni, shji Sëya kjlaraso bakoe. Shji rokara Sbörë uunkong, ga llebo koshëy löng li kjinaso. ⁵Shji Tjlapga kjlaraso. Tjlokwo söy löng li kjinaso. Shji wara jer di roshkoshko ga e beno llebo kjinaso loklo. ⁶Shji Sbö kjlaraso. Shji data kjlaraso. Shji iche, kjimte uunkong, ga shäng bi tjok ñyado.

⁷Cristo wopjlu li kjishko ga shji kjlara kjlara kong kjok miydë twara oblë oblë, pak twe bi kong li shäryëy pjlu wlo. ⁸E kjishko ga Sbö tjlokwo tak pjang eni:

«To jem kjókshkoshko ga

ba wloyoga zana li shara, söra jem ba tjok ba irgo,
ga oblëra kong llebo twara ara.»

⁹¿«To jem» le li, e lle loklo? To ter öör shäng bäm go kjok ëre kjing go li loklo. ¹⁰Cristo to ter bäm go. E irgo ga to jem kjok dogo, beno sök shtoyo tjwlo ara, kjok shto oblë oblë kjinmo, llebo uunkong ichë wlo. ¹¹Shji kong pak twara om go, shäryëy wlo. Shji kjone kjone iara beno löng Sbö tjlokwo roy laga Jesús aska, shji kjone kjone iara beno löng Sbö tjlokwo laga, shji kjone kjone iara beno löng Sbö tjlokwo roy pjlu shdöga, shji kjone kjone iara beno löng ba nopga daga, ba pingga bakoe. ¹²Shji iara beno löng ba nopga löng kës li kjimtaga, pak twe ba kong li shärye lok pjlu wlo, dbokjrë lok jek këgong këgong wlo. ¹³Woyde ga shji uunkong Sbö Wa miydë pjlu, ga shji mär ber löng ba go, shäryoroy eni pjirshko ga shji ber löng wotjlik kjinaso wlo, shji ber löng wotjlik këkboga dik wlo, shji äär ber löng Cristo dik wlo.

¹⁴Eshko ga shji wotjlik kjwozirga dik ame. Shji jyäpgwëba tjlokwo oblë oblë go ame, kjoyong iöya dlung kjing go bakwe pjlukdë llaw pogo wleni, no kjone kjone wotjlik ara, shji jyäpgwe wlo le gueniyo. ¹⁵Tjlokwo bek li lëy wopjlu go dey. Eni ga shji äär ber Cristo dik, bi kägäyo li e, ¹⁶ga shji uunkong ba doyo wleni. Doyo dboglo smok lok ëng go ba kjoyungyo go, ber doyo kjlaraso wlo,

ga shji tōya Cristorë ber doyo kjālaraso wleni eni bakoe. Eni ga shji ëng woydë ara kar kar, ga shji kong pak twara kjāra kjāra li shāryëy ga pjūe.

Shji tōno beno tjeng Cristo tjok kjishko ga shji jëk lōng tjağlën wleni

¹⁷Eni ga pjāy ichër Tjlapga Jesús ko go ga pjāy jëk lōng owa, nopga Sbō miydë llēm wleniyo dik ame. Epga jëk lōng ba wotjlik tjwō llēm, llēno llēm li go erä. ¹⁸Epga Sbō miydë llēm, llēye kuya woydë llēm kjishko. E kjishko ga tjlokwo bek li llë loklo miyde lok llēm, ga epga ie Sbörë ber lōng së jlokoyo llēm bakoe. ¹⁹Opyono beno jëk lōng ba wotjlik owa li go erä, ga llēye lökyo ba kong ame. Llëbo owa shārye lok oblë oblëshko ga lōng wopjū erä, ga shārye woydë eni jek obi.

²⁰Gueniyo pjāy Cristo tjlokwo roy kunoshko ga pjāy oppino jëk eni llēme. ²¹Cristo tjlokwo roy bek li kuromi, ga pjāy mär beno lōng ba go. E kjishko ga miydër ga pjāy oppino jëk, woyde Cristorë sorë li eni. ²²Dënashko ga pjāy jëk lōng bomi wotjlik owa li go. Bomi wotjlik eshko li, e owa. Pjāy jyāpgwara ara, llëbo owa shāryëmi wlo. Gueniyo pjāy oppino ba rayë, ²³pjāy kjlop swe Sbörë ber lōng wotjlik oblë wlo, ²⁴pjāy ie ber lōng tjağlën wleni wlo. Llëbo pjū shāryaga iyado li, e Sbō. Ga pjāy kjlop swara beno jëk lōng eni, baīya dik.

²⁵Eni ga shji uunkong doyo kjālaraso wleni kjishko ga shji jyörkë ame, pjāy tjlē bëy ëng kong dey. ²⁶Shji iirkonoshko ga llēye owa shāryëy llēme. Shji pë jek lōng bi iir li tjok llēm, ²⁷shji jyāpgwe Ärë llēm wlo. ²⁸Ëye lürkë ä ga lürkë ame, parkë ba orkwo go dey, oblëga song li kjimte ga pjū wlo.

²⁹Tjlokwo owa lëy ëng kong llēme. Tjlokwo pjū lōmirë dey, oblë kjimtoklo, kuya ga ber pjū ba kong wlo. ³⁰Pjāy jyā tara Sbō Sëyarë wleni beno Sbō ī, äär jong bi dözlong dbaryoshko jā. E kjishko ga Sbō Sëya iëy ber shäng woydë llēme. ³¹Shji wotjlik owa oblë kong ame, shji iirkë ara oblë kong ame, llëbo lëy oblë kong iir go ame, shji ëngkwë oblë tjok ame, oblë lāywëy owa ame, shji oblë iywō shjiktëng ame bakoe. ³²Pjāy pjū ëng tjok. Oblë songe lōzīa. Llëbo shārye oblërë owa bomi kongshko ga owa li iozī ber tjwō llēm, owa pjang bomi go li lōna Sbörë Cristo kjishko sorë ga eni.

Shji jëk pjlo bek

5 ¹Pjāy Sbō wapga, ga pjāy woyde ara. E kjishko ga pjāy opshāryos baīya dik. ²Shji woydara Cristorë ara, ga optwono wolono bi kjishko, öng wlëp ushko so zrökoba, sho sukoba Sbō poshrëkklo li lō pjlēblë ba kong wleni. Woyde ga pjāy ëng woydos ara kar kar eni bakoe.

³⁻⁵Shji orkwosmono ë tjok llēm ga shji pë ba tjok llēm, llëbo shāryako llēm li shāryëy llēm bakoe. Shji wotjlik dbur töng bi kong erö llēm, e llëbo jyāğlo poshrëy lōng wleni. Pjāy Sbō nopga kjishko ga llëbo eniyo shāryëmi sira ëmdë llēme. Llëbo lako llēm lëy ë kong llēm, llëbo tjwō llēm lëy ë kong llēm, shji tjör ëng tjok tjlokwo owa go llēm bakoe. Pjāy lōng wopjū Sbō tjok li lānyotkomirë

oblë kong dey. Llonog ga Cristo, Sbö, epga ber löng no pjüuyoga iyado. Eshko ga llëbo twe Sbörë ba nopga kong. Gueniyo ëye opshäryë owa eni ga äär eshko llëme.

⁶Pjäy jyäpgwëba tjlökwog twjölö llëm go llëme. Llonog ga nopga llëbo owa shäryono eni li shdüya Sbörë, kolara lök llëm kjishko. ⁷E kjishko ga pjäy tön nopga eniyo tjok llëme.

⁸Dënashko ga pjäy jëk löng kjok ro si roy wleni. Gueniyo eerishko ga pjäy mär löng Tjlapga Jesús go kuzong ga pjäy jëk löng kjok shjiy roy wleni shara. E kjishko ga pjäy jëk löng, woyde Sbörë sorë li eni. ⁹Ëye iök shjiy ëre tjok ga jëk pjüü oblë tjok, jëk pjüü bek, ga tjleshko ga tjlökwog bek li layde. ¹⁰Ga pjäy opping llëye woyde Tjlapgarë shäryëmi wlo li go. ¹¹Shji jëk oba jëk löng kjok ro si roy wleni llëme. Llëye shärye lök li, e llëno llëme. Eni ga llëbo shärye löng li owa lözi ba kong dey, miyde lök wlo. ¹²Sbö kolë lök llëme. Llëbo owa shärye löng lütshko li lanyotkëy ëmdë ga lökyo ara. ¹³Gueniyo iök piy llëbo owa li go ga e ber wëlle. ¹⁴Eshko ga igöy wëlle, iök shjiy li kjishko. E kjishko ga oba tjë ga

«Pja buk pë,

pja wollenzong,

pja kojös shinmoga tjeng li tjreko dwayo.

Eshko ga pja ie Cristorë ber sök kjok shjiy roy» llëba eni.

¹⁵Pjäy drön jëk löng nopga kjok miydë ara wleniyo dik, nopga kjok miydë llëm wleniyo dik llëme. ¹⁶Shji löng dbar owa. E kjishko ga llëye wen tjwe bomi kong shäryëmi pjüü wloshko ga shäryozia. ¹⁷Shji llëbo shäryë nopga kjok miydë llëm wleniyo dik llëme. Pjäy oppis llëye woyde Tjlapgarë li shäryë. ¹⁸Shji nelötkë llëme. Shji nelötkë ga shji iche llëbo owa shäryë. Pjäy ichaga ber Sbö Sëya pjang bomi go lirë dey. ¹⁹Pjäy tos ëng tjok Sbö kong tükwo oblë oblë go. Ga Tjlapga poshrëzi bomi tükwo li go. ²⁰Pjäy ber löng wopjüü Data Sbö tjok llëbo uunkong kjishko. Lözi ba kong iyado, Tjlapga Jesucristo ko go.

Nopga orkwosmok löng pjir ga jëk ëng tjok sorë

²¹Cristo bangkrëmi kjishko ga pjäy ëng kolozong.

²²⁻²³Cristo beno ba tjlökwog kragaga uunkong kagäyo, ba döga bakoe. Domergara beno ba boyga kagäyo eni bakoe. E kjishko ga walëga orkwosmok löng pjir, bomi lanmaga kolözi, Tjlapga Jesús kolëmi löng wleni. ²⁴Cristo kolë ba tjlökwog kragagarë sorë ga bomi lanmaga kolözi iyado eni bakoe.

²⁵Domerga orkwosmok löng pjir, bomi boyga woydozi ara, ba tjlökwog kragaga woyde Cristorë sorë ga eni. Ba tjlökwog kragaga woydara ara, ga optwono wolono ba kjishko, ²⁶ie ber löng dboy ba kong wlo. Ba tjlökwog li go ga epga iara beno pjüü bek Sbö bokso wlo, ²⁷ber löng ba nopga kalä shjiy wleni wlo, ber tjeng baiya wlo, pogo llëye dret ba bokso wlo bakoe. ²⁸Eni wleni ga domerga, bomi boyga woydozi ara, pjäy opwoydë sorë ga eni. Ëye ba boy woydë ara ga e opwoydë om go wleni. ²⁹⁻³⁰Ëye ba doyo om go li iywö shjiktëng llëme. Opsëng, opdë. Shji Cristo tjlökwog kragaga, shji ba doyo wleni. E kjishko ga shji de Cristorë eni bakoe. ³¹E kjishko ga domer ba data, ba mekë rayë, ga orkwosmok walë tjok, ga ber löng kjilaraso wleni.

³²Ère lìe òkòlo miydëy wëñë òlème. Ìer eni lì, Cristo, ba tjlòkwo kjpgaga, e lotë.
³³Eni ga domerga orkwosmok löng pjir, bomi boyga woydozì ara, pjäy opwoyde sorë ga eni. Walëga orkwosmok löng pjir, bomi lanmaga bangkjroziä.

Dataga, mekëga, wapga, e jëk ëng tjok sorë

6 ¹Wapga, pjäy mär Tjlapga Jesús go kuzong ga bomi dataga, bomi mekëga, e kolozia. ²⁻³Sbö tjlòkwo tak pjang eni: «Bomi dataga, bomi mekëga, e bangkjrozi, iozi ber tjwlo ara, llëbo jek pjlu bomi kong wlo, lu imi kop ara kjok ëre kjing go wlo bakoe.» Eni ga kjok llgwekklo ëre koloroy wleni ga llëbo pjlu shärye Sbörë bi kong lara jlòkoyo. Llëbo lara jlòkoyo eni eshko kjwlë jä.

⁴Dataga, pjäy llëbo shäryë bomi wapga kong ber löng iirkë wlo llëme. Poshdüzì, pizì jëk löng, woyde Tjlapga Jesúsdë sorë li eni.

Parkaga sogoga, parkagaga tjwlëk löng pjir wleniyo, e jëk ëng tjok sorë

⁵Parkagaga tjwlëk löng pjir wleniyo, bomi sogoga kjok ëre so, e kolozia. Bangkjrozi löng wopjlu, pjäy parkë löng Cristo kong wleni. ⁶Pjäy iya löngshkoshko ga epga kolëmi pjlu, ber löng wopjlu bomi tjok wlo. Gueniyo kolëmi eshko dö llëme. Pjäy parkos ba kong pjlu iyado, pjäy Cristo parkagaga tjwlëk löng pjir wleniyo dik. Llëye woyde Sbörë shäryëmi wlo li shäryozì wopjlue. ⁷Pjäy parkos löng wopjlu bomi sogoga kong, bomi dbo kës li go, pjäy parkë löng Tjlapga Jesús kong wleni, pjäy parkë löng nopga kong wleni llëme. ⁸Miydëmi pjlu ga ëye llëbo pjlu shäryono ga potjwlëngga Tjlapgarë, parkagaga tjwlëk löng pjir wleniyo ëmdë ga potjwlëya.

⁹Parkagaga sogoga, pjäy opshäryë bomi parkagaga tjok eni bakoe. Kroyowëy llëme. Miydëmi pjlu ga pjäy, bomi parkagaga, pjäy kägäyo sök kjlaraso kjok dogo, ga shji uunkong llgweya beke.

Llëbo twe Sbörë bi kong ara, bi opwlìkoklo wleni

¹⁰Era eni ga pjeyoga, pjäy mär ber löng Tjlapga Jesús go iyado, pjäy mär ber löng ba dbo ara go iyado bakoe. ¹¹Èngkjwagaga opwlìkë ba opwlìkoklo go sorë ga pjäy opwlìkos llëbo twe Sbörë bomi kong kës li go eni, pjäy jyäpgwe Àrëshko ga kumi kjang wlo, jlo lëmi ba kong llëm wlo bakoe. ¹²Shji löng dbonik nopga tjok llëm, shji löng dbonik sëya llë dbo ara wleniyo tjok, oblë ichagaga wleniyo tjok, nopga owa löng kjok ëre kjing go ichagaga wleniyo tjok bakoe. ¹³E kjishko ga pjäy opwlìkos llëbo twe Sbörë bomi kong kës li go, dbar owa li tjweshko ga pjäy tök llëm wlo, pjäy ber löng wokjang äär jong dbar owa li pjitong guing.

¹⁴Eni ga pjäy wokjange. Sbö tjlòkwo bek li sözi, e bomi dop pjrikklo wleni. Pjäy jëk pjlo bek, e bomi worbu wlìkoklo wleni. ¹⁵Sbö tjlòkwo pjlu li, shji ie ber löng wlëp Sbö tjok. Pjäy poshäryos e go, tjlòkwo roy pjlu li lë oba kong wlo, e bomi drepkwota wleni. ¹⁶Pjäy mär ber löng Tjlapga Jesús go, e bomi kõnkowo shtokjoklo wleni. Pjäy löya Àrë ba kõnkowo dbo go

iök ri ri li goshko ga shtokjëmi e go, pjë bomi go llem wlo. ¹⁷Miydozĩ ga pjây dõra Sbõrë ba dbo ara go, e bomi kã wlikoklo wleni. Sbõ tjlõkwo shazĩ bomi wloshko, e bomi drõng twara Sbõ Sëyarë bomi kong wleni.

¹⁸Ga pjây syõshtos, kjõshtos Sbõ kong iyado, pjây piya Sbõ Sëyarë sorë li eni. Pjây sjëke. Pjây syõshtos Sbõ nopga kjishko iyado. ¹⁹Pjây syõshtos bor kjishko bako, tja tjlëshko ga tja kong tjlõkwo lë Sbõrë bor kong lër wlo, Sbõ tjlõkwo pjlu miydeba llem li roy lër oba kongshko ga lleye bangkjrër llem wlo bakoe. ²⁰Tja ichara Sbõrë ba tjlõkwo roy pjlu lë oba kong ba aska. Eerishko ga tja sök kjërshko e kjishko. Pjây syõshtos bor kjishko, ba tjlõkwo roy lërshko ga lleye bangkjrër llem wlo.

Kjibokwo pjirzlong

²¹⁻²²Bor kjlara Tiquico, e parkë shäng Tjlapga Jesús kong bor tjok pjlu iyado. E woydër ara, ga ichër jek bomi shwoy, tja sök na sorë li roy sök bomi kong wlo, löng bor tjok na li roy sök bomi kong wlo bako, pjây wosonkë llem wlo.

²³Pjeyoga, tja syõshtë Data Sbõ, Tjlapga Jesucristo Data li kong ga pjây ie ber löng wlëp, pjây kjimte ëng woydë ara kar kar, pjây kjimte mär ber löng Cristo go iyado bakoe. ²⁴Rokër Sbõ kong ga ba wopjlu li kjishko ga pjây Tjlapga Jesucristo woydë jlõkoyo li kjimte iyado.